

新
平
船
慶

PDG

K204.3

1

資

待讀學士太中大夫提舉西京嵩山崇福宮上柱國

端明殿學士

一百戶食實封玖伯戶賜紫金袋臣司馬光奉

河內郡

勅編集

後學王

三省

唐紀二十一

起玄默執徐盡柔
州涪灘凡五年

則天順聖皇后中之上

長壽元年

是年四月改元如意九月改元長
壽自四月以前猶是天授三年

正月戊

辰朔太后享萬象神宮

臘月立故干闥王尉遲伏

闍維之子瑕為干闥王

闍徒賢翻視

春一月丁

卯太后引見存撫使所舉人

遣存撫使見上卷天授元年見賢遍翻使疏吏

翻無問賢愚悉加擢用高者試鳳閣舍人給事中次

試貞外郎侍御史補闕拾遺校書郎

唐校書郎正九品上考異

曰統紀天授二年二月十道舉人石艾縣令王山齡等六十人擢為拾遺補闕懷州錄事參軍霍獻可等二十四人為御史并州錄事參軍徐昕等二十四人為著作佐郎及評事內黃尉崔宣道等二十三人為衛佐疑與此試官自此始時人為之語曰補闕連車只是一事

載拾遺平斗量

容齋隨筆以為擢推侍御史懼其俱此語出於張鷟

釋名曰齊魯謂四齒杷為擢推吐音翻

盜脫校書郎

盜烏管翻坡詩但信櫝歲終自售豈

知盜脫本無模

有舉人沈全交續之曰麴心存撫使眯目聖

神皇

麴戶吳翻麴粘也林莫禮翻物入目中也老子曰撻耨眯目

為御史紀元知

所擒劾其誹謗朝政請杖之朝堂然後付法劾戶槩

得翻誹敷尾太后笑曰但使卿輩不濫何恤又言宜翻朝直遙翻

釋其罪先知大慙太后雖濫以祿位收天下人心然

不稱職者尋亦黜之或加刑誅挾刑賞之柄以駕御

天下政由己出明察善斷故當時英賢亦競為之用

稱尺證翻寧陵丞廬江郭霸以諂諛干太后寧陵縣屬宋州

本戰國時魏之甯城漢高祖改為寧陵縣廬江漢龍舒縣地屬廬江郡梁置湖州隋廢州為廬江縣屬廬

州考異曰新傳各引霸舊傳御史臺記皆單名霸唯統紀延載元年云弘霸僉載云應革命舉蓋正謂

此時也今拜監察御史監古中丞魏元忠病霸往問

從臺記街翻之因嘗其糞喜曰大夫糞甘則可憂中丞而呼為大

夫過呼之也

今苦無傷也元忠大惡之

惡烏路翻

遇人輒告之

戊辰

以夏官尚書楊執柔同平章事執柔恭仁弟之孫也

太后以外族用之

太后母楊氏尚辰羊翻

初隋煬帝作東都

見一百八十卷大業元年煬羊亮翻

無外城僅有短垣而已至是鳳閣

侍郎李昭德始築之

左臺中丞來俊臣羅告同平

章事任知古狄仁傑裴行本司禮卿崔宣禮前文昌

左丞盧獻御史中丞魏元忠潞州刺史李嗣真謀反

任音壬嗣祥吏翻書狄仁傑益州長史

考異曰舊來俊臣傳云地官尚書任令暉冬官尚書李遊道秋官

尚書袁智弘司賓卿崔基文昌左史盧獻等六人並

為羅告李嶠傳云太后使給事中李嶠與大理少卿張德裕侍御史劉憲覆其獄德裕等雖知其枉懼罪並從俊臣所奏嶠曰豈有知其枉濫而不為申明哉

孔子曰見義不爲無勇也乃與德裕等列其枉狀由是忤旨出爲潤州司馬按嶠平生行事恐不能如此

今不取先是來俊臣奏請降敕一問即承反者得減死

先悉及知古等下獄下遐俊臣以此誘之誘音仁傑

對曰大周革命萬物惟新唐室舊臣甘從誅戮反是

實俊臣乃少寬之少詩沼判官王德壽謂仁傑曰判官

俊臣之屬官也尚書定減死矣德壽業受驅策欲求少階級

煩尚書引楊執柔可乎仁傑曰皇天后土遣狄仁傑

爲如此事以頭觸柱血流被面德壽懼而謝之被皮義翻

侯思止鞠魏元忠元忠辭氣不屈思止怒命倒曳之

元忠曰我薄命譬如墜驢足絰於鐙爲所曳耳絰戶掛翻

鄧翻 鄧都

思止愈怒更曳之元忠曰侯思止汝若須魏元

忠頭則截取何必使承反也狄仁傑既承反有司待報行刑不復嚴備仁傑裂衾帛書冤狀置綿衣中謂

王德壽曰天時方熱請授家人去其綿德壽許之仁

傑子光遠得書持之告變得召見

復扶又翻去羌呂翻見賢遍翻

則

天覽之以問俊臣對曰仁傑等下獄臣未嘗褫其巾

帶

爾翻 褫池

寢處甚安

呂翻

苟無事實安肯承反太后使

通事舍人周繼往視之俊臣暫假仁傑等巾帶羅立

於西使繼視之繼不敢視惟東顧唯諾而已

翻 繼丑林

翻 癸

俊臣又詐爲仁傑等謝死表使繼奏之樂思晦男

未十歲没入司農

思晦死見上卷上年

上變得召見

上時掌翻見賢遍翻

太后問狀對曰臣父已死臣家已破但惜陛下法爲

俊臣等所弄陛下不信臣言乞擇朝臣之忠清陛下

素所信任者

朝直遙翻

爲反狀以付俊臣無不承反矣太

后意稍寤召見仁傑等問曰卿承反何也對曰不承

則已死於拷掠矣

陸德明經典釋文掠音亮

太后曰何爲作謝死

表對曰無之出表示之乃知其詐於是出此七族庚

午貶知古江夏令仁傑彭澤令宣禮夷陵令元忠涪

陵令獻西鄉令

江夏本漢沙羨縣地屬江夏郡晉改沙羨爲沙陽江漢二水會于縣西春秋謂之夏汭晉宋謂之夏口宋置江夏郡治于此隋

因郡各置江夏縣唐屬鄂州彭澤漢縣屬豫章隋更

各龍城唐復曰彭澤屬江州涪陵縣漢屬巴郡劉蜀
置涪陵郡隋涪陵縣屬渝州唐武德元年分置涪州
為州治所西鄉即漢成固縣地蜀置西鄉
縣後魏為洋州治所夏戶雅翻涪音浮 流行本嗣

真子嶺南俊臣與武承嗣等固請誅之太后不許俊

臣乃獨稱行本罪尤重請誅之秋官郎中徐有功駁

之駁北角翻以為明主有更生之恩更工衡翻俊臣不能將順

虧損恩信殿中侍御史貴鄉霍獻可後魏分館陶西界置貴鄉縣於

趙城周建德七年自趙城東南移三十里以宣禮之

孔思集寺為縣治所大象二年於縣置魏州甥也言於太后曰陛下不殺崔宣禮臣請隕命於前

以頭觸殿階血流霑地以示為人臣者不私其親太

后皆不聽獻可常以綠帛裹其傷微露之於幞頭下

續事始曰三代黔首以阜綃裹髮周武帝裁爲四脚各以幞頭馬周請重繫前脚冀太后見

之以爲忠甲戌補闕薛謙光上疏上時掌翻以爲選舉

之法宜得實才取捨之間風化所繫今之選人咸稱

覓舉奔競相尚誼訴無慙選宣戀翻至於才應經邦惟令

試策武能制敵止驗彎弧昔漢武帝見司馬相如賦

恨不同時及置之朝廷終文園令漢司馬相如爲子虛賦武帝讀而善

之曰朕獨不得與此人同時楊得意曰臣邑人司馬相如自言爲此賦上召以爲郎後爲孝文園令病免

而知其不堪公卿之任故也吳起將戰左右進劒起

曰將者提鼓揮桴臨敵決疑一劒之任非將事也將者

非將即亮翻然則虛文豈足以佐時善射豈足以克

桴方無翻

敵要在文吏察其行能武吏觀其勇略考居官之臧

否行下孟翻否音鄙行舉者賞罰而已來俊臣求金於左

衛大將軍泉獻誠不得誣以謀反下獄乙亥縊殺之

下遐嫁翻縊於計翻庚辰司刑卿檢校陝州刺史李游道為

冬官尚書同平章事陝失冉翻二月己亥吐蕃党項部

落萬餘人內附吐從啜入聲党底朗翻分置十州戊午以秋

官尚書袁智弘同平章事秋官刑部夏四月丙申赦天

下改元如意如意見年起此五月丙寅禁天下屠殺及捕

魚蝦江淮旱饑民不得采魚蝦餓死者甚眾后禁屠捕而殺

人如刈草菅可以人而不加翻右拾遺張德生男三日私殺

羊會同僚補闕杜肅懷一飲

飲徒濫翻又弋廉翻徒甘翻

上表告

之

上時掌翻

明日太后對仗謂德曰聞卿生男甚喜德拜

謝太后曰何從得肉德叩頭服罪太后曰朕禁屠宰

吉凶不預然卿自今召客亦須擇人出肅表示之肅

大慙舉朝欲唾其面

朝直遙翻唾吐卧翻

吐蕃酋長曷蘇帥

部落請內附以右玉鈐衛將軍張玄遇爲安撫使將

精卒二萬迎之六月軍至大渡水西曷蘇事洩爲國

人所擒別部酋長咎捶帥羌蠻八千餘人內附玄遇

以其部落置萊川州而還

酋慈由翻長知兩翻帥讀曰率鈐其廉翻使疏吏翻

將即亮翻又音如字咎子感翻捶止崇翻新書作挿

黎州都督府所管羈縻州有米川州新書作葉州還

從宣翻又音如字
曰唐紀作沓搖今從實錄

辛亥萬年主簿徐堅上

疏以爲書有五聽之道

上時掌翻疏所據翻周禮小司寇以五聽聽獄訟求民情

一曰辭聽聽觀其所出言不直則煩二曰色聽聽觀其顏色不直則赧然三曰氣聽不直則喘四曰耳聽觀其聽聆不直則惑五曰目聽觀其眸子不直則眊然

宗貞觀五年竊見比有敕推按反者

比毗至翻令使者得實即

行斬決

令力丁翻使疏吏翻

人命至重死不再生萬一懷枉吞

聲赤族豈不痛哉此不足肅姦逆而明典刑適所以

長威福而生疑懼臣望絕此處分

長知兩翻處昌呂翻下處事同分扶

問依法覆奏又法官之任宜加簡擇有用法寬平爲

百姓所稱者願親而任之有處事深酷不允人望願

踈而退之堅齊聃之子也

處昌呂翻徐齊聃見二百一卷高宗咸亨元年聃它

甘翻

夏官侍郎李昭德密言於太后曰魏王承嗣權

太重

夏官兵部嗣祥吏翻

太后曰吾姪也故委以腹心昭德曰

姪之於姑其親何如子之於父子猶有篡弑其父者

况姪乎今承嗣既陛下之姪爲親王又爲宰相

相息亮翻

權侔人主臣恐陛下不得久安天位也太後矍然曰

朕未之思

矍九縛翻

秋七月戊寅以文昌左相同鳳閣鸞

臺三品武承嗣爲特進納言武攸寧爲冬官尚書

嗣祥

吏翻冬官工部尚辰羊翻

夏官尚書同平章事楊執柔爲地官尚

書並罷政事以秋官侍郎新鄭崔元綜爲鸞臺侍郎

秋官刑部新鄭春秋鄭國都鄭武公隨周平王東遷
邑於號鄆之間莊公所謂吾先君新邑于此是也漢
爲新鄭縣屬河南郡魏晉省
隋開皇十六年復置屬鄭州
夏官侍郎李昭德爲鳳

閣侍郎檢校天官侍郎姚壽爲文昌左丞夏官兵部鳳閣中書

天官吏部改尚書爲文昌壽殊玉翻檢校地官侍郎李元素爲文昌右

丞與司賓卿崔神基地官戶部司賓卿即鴻臚卿並同平章事考

異曰舊昭德傳舉明經累遷至鳳閣侍郎長壽二年
增置夏官侍郎以昭德爲之是歲遷鳳閣鸞臺平章

事新紀表傳皆云昭德自夏官侍郎遷鳳閣侍郎同
平章事蓋昭德自鳳閣爲夏官自夏官復爲鳳閣也

婁師德傳長壽元年增置夏官侍郎今
從之崔神基實錄作崔基今從新紀表
壽思廉之孫

姚思廉事
隋及唐
元素敬玄之弟也李敬玄相高宗辛巳以營繕大

匠王璿爲夏官尚書同平章事光宅改將作監爲承營繕監璿似宣翻

嗣亦毀昭德於太后太后曰吾任昭德始得安眠此

代吾勞汝勿言也是時酷吏恣橫孟翻百官畏之側

足昭德獨廷奏其姦太后好祥瑞好呼有獻白石赤

文者執政詰其異詰去對曰以其赤心昭德怒曰此

石赤心它石盡反邪邪音左右皆笑襄州人胡慶以

丹漆書龜腹曰天子萬萬年詣闕獻之昭德以刀刮

盡奏請付法太后曰此心亦無惡命釋之太后習猫

使與鸚鵡共處處昌出示百官傳觀未遍猫飢搏鸚

鵡食之太后甚慙太后自垂拱以來任用酷吏先

誅唐宗室貴戚數百人次及大臣數百家其刺史郎

將以下不可勝數將即亮翻勝音升每除一官戶婢竊相謂

曰戶婢官婢之直鬼朴又來矣不旬月輒遭掩捕族

誅監察御史朝邑嚴善思後魏分馮翊置澄城郡仍置南五泉縣西魏改爲朝

邑縣隋唐屬司州監古衙翻朝直遥翻公直敢言時告密者不可勝數

勝音升太后亦厭其煩命善思按問引虛伏罪者八百

五十餘人羅織之黨爲之不振爲于僞翻乃相與搆陷善

思坐流驩州舊志驩州至京師陸路一萬二千四百五十二里水路一萬七千里至東都一

萬一千五百九十五里水路一萬六千二百二十里宋白曰驩州日南郡堯放驩堯于崇山即此太

后知其枉尋復召爲渾儀監丞后改司天監爲渾儀監丞從七品下復扶

又翻渾善思名譔以字行譔土免翻右補闕新鄭朱敬則